

АССАЛАМ

assalam.ru

НА ЛАКСКОМ ЯЗЫКЕ

БУСУРМАННАЛ РУВХІАНИЙССА ККАЗИТ

№ 8 (80) август 2008-шин / Кказит буккайссар зуруй цал / шаъбан 1429-шин. Багъа 15 къ.

БАРЧА БАВУ



ХХИРАССА УССУРВАЛ ВА ССУРВАЛ!

Дакнихтуну барча буллаи ура циняв бусурман агълу мубараксса рамазан барз бучлавиришчал.

Хасну ттун ттунна дур члун лерххун нанисса кунна чалай, ца лахІза кунма лагай ца рамазан зуруя гамур рамазан зурул дянивсса мутта. Аллагу Тааьланал цайва бивхъусса бурж щаллуну ва багъайкун биттур буллалима – алши бумари. Къини дарчлуну дур

ххюва бутлүйх: ца чак байхту, гамур бай члун дучланнин. Шингу бутрайх дарчлуну дур: рамазан барз бучлайхту мунил хъирив хІаж бур, хъирив – къурбан биххаву, хъирив мухІаррам зуруйсса зумарду, яла мавлидру дай барз. Жула оьрмуллу низам – къарал укунсса душиву – му жула гъунар бакъар, Му Аллагу Тааьланал жува бусурманну ляхъан баврил арши-талихІри.

Рамазан зурул циняв цацлун буллалиссар, архІал бацІан буллалиссар. Холодильник бувцлуну ягу бачІва биклува зуруй зума дугълагъиссар аваданминналгу, мискинминналгу. Каши дунан дакъанал хІал бувчлуну, мунаву рахІму-цими ххи буллалиссар. Аьрщарай оьрмуллу неъматру жунма члумуйнуссар ва миннуя багъайкун неъмат ласунгу кІулну бикІан аьркинссар.

Ххирасса бусурмантал, рамазан барз – жула организм марцІ дуккан дай барз бакъагу, бунагъиртая марцІ шай барзри, оьккимуния арх буцай барзри. Яла-яла, зума дургъуний жува жула къацІлива нанисса мукъул хъирив бавцлуну бикІан аьркинссару. Жула уссур-ссуннай аьй-бювкъурду дуллалисса ихтилатру буллан къааьркинссару. Мукъул дурсса щаву цІуцІимурди. Аллагънал хъьичІ цимурцаннухлу жавабру дуллантими жувару.

Ча тІий ура зун ва барз Аллагу Тааьланаха эбадатрай, дуаьрду дуллай, Къуръан ккалай гъан бувансса цІуллушиву, лагма-ялттуми ххари буллансса бюхъугу.

Къамул дуваннав Аллагънал бусурманнал дурсса цимурца ххуймур! Амин.

Дагъусттаннал бусурманнал РувхІанийсса идаралул председатель, муфтий АхІмад-хІажи АьБДУЛАЕВ

ИДАВСТУРАЛ ОьРМУРДАЯ

МухІаммад Идавсил оьрмулиятусса суаллу

Бусияра гъарза-гъартану МухІаммад Идавсил  хъанния

(Дайдихъу хъьичІми номердай)




– Ххаджи. Къурайштурал агъулданий Ххаджи бивкІссар яла аькьлу камилмур, цадуьр-мур, хІурмат бумур ва дин цаакъну нани дурмур хъамитайпа. ЦІанихсса арамантал Ххаджи буцин ччай, муничІан мугъисалт тІайла буклай бивкІссар. Мунил цила язи увгъуссар


»4-5

БУСУРМАННАЛ КАЛЕНДАРЬ

Къувватрал хъхъу – Лайлатул къадри


Идавсил  увкуну бур: «Лайлатул Къадри Аллагу Тааьланал гъан бувсса ссайгъатри ттул умматран. Ттул умматран бакъасса, цамур умматран гъан бувну къабивкІссар укунсса ссайгъат». (Бувсуну бур Анаслул) Лайлатул Къадрилул Хъхъу дуллуну, Аллагънал хъун бувссар Рамазан барз.

»4



ЦИУССА ХАВАРДУ

Гъумуксса мажлис

Вай гъантрай Гъумучиял шяраву хъунни аьлимтурал мажлис. Мунил даву дайдишиннин мажлисрайн бавтІцири лавгуна Идавсил  наслулия нанисса АхІмадул Яманинал зияратрайн. Яла райондалул администрациялул къатраву хъуна Миьражрал хъхъунин хас дурсса меропрятие.

»2



Ва номерданий:

3 ДАКІНИЙ БУССАРУ

Жула заманул шагъидтал



6 ШАРИАЬТ

Эдрал – чак (байрам-чак)



7 ИСААМ ВА ТАРИХ

СалахІуддин Айюби – Байтул Мукъаддас тархъан бувма



8 СУАЛУ ВА ЖАВАБРУ



ЦИУССА ХАВАРДУ


1 « Мажлисрай гурт-тушинна дурна райондалул шярваллал имамтурал, администрациялул зузалтрал, Кундиял имамнал Аъли-Асхаблал, Махлчкъалаллал вокзалданийсса Сайпуллагъ-къадинал

Гъумуксса мажлис

Шиккува киці лаган, райондалул цаппара шярваллаву ттигъаннуннин бакъассия бивкү-буккулул, ташуллал

рал университетраву дуклакисса студенттал практикалий шярваллавун гъан бувну. Мува институтрал выпускникталну зун бувссар лаккуй.

Ва мажлисрай гуртту хъусса райондалул администрациялул хъунамнал хъиривчу Ю. Рамазановлул цала ихтилатраву мероприятие дурцириннахъ барчаллагъу куну, цала ихтилатраву чурчлаву дурна махъпурттуву агъаминал Ислам лахъхъаврихсса гъира гъаз хъушиву ва уку-укунсса мероприятиедал инсантурачлан исламрая тлайсса, балжийсса информация биян буллау бунавхъур, диндалул мажлису зуруй цал тиссаксагу, гъарца шярваллаву баварча хъинну биклантйишиву.



Ассалам-фото

Мажлисрай ихтилатру буллалисса алимтал цала ихтилатирттаву киці лаглай бия хлакьну исламрая хавар буми заралмунихун, оьккимунихун къабагъантйишиву, жагъилтал тарбия бавриву ва ми тлайсса ххуллх нани бавриву исламрал бияла хъунмасса бушиву.

Исламрал ттарцру хъа-

ХИАМИС

Рамазан зуруй зума дургъуманан багъишла битайссар мунийннин бувцири бунагъру



Ассалам-фото

цанийсса мизитрал имамнал хъиривчу, Вихъуллал имамнал Мухаммадов Къурамуххаммадлул, «Ассалам» казиртрал зузалтрал.

аьдиртталсса байсса, диндалул мухлу – хин хъинну килсса маллатал.

Утти му масъала щаллу хъуссар Дагъусттаннал ислам-

нахъимуниясса диндалул тлавашиннардалсса ихтилатирттаву гуртту хъанай бия кланттул агъалигу. Чъарусса шиннардий ниці дуккаврихун агъсса А. Маххаммадовлул бувсуна Къуръандалул «Найрду» тисса суралува бувчлушиву цанма найрал ниці бунияттунгу дарувсса душиву.

Мажлисрал ахирданий бугъараминнал бусурман агъулданун ххуймур, хъинмур чла тлий, дуарду дурна.

«Алжаннавунсса ххуллу» марафон Дылымрай

Алиасхаб АМАЕВ

Июль зурул 3-ний, раджаб зурул бухкүллий Казбековскалал райондалийсса Дылым тисса шяраву хъунни райцентрданул жумъя-мизит буваншивулсса марафон. Мунил сиптачитурал мурад буссия ссят майнний кюрххил байбивхъуну урчлунний марафондалул даву къуртал хъунссар тисса. Гурттушинна дуван ччиминнал чъавушиврийн бувну дяхъуниву къуртал хъуна марафондалул даву. Агъали байрандалиин кунма буклай бия цащала оьрчругу бувцуну. Чансса бакъая мизит бавриву цала бутла бишин чялишсса инвалидталгума.

Райондалул имам Казим-хлажи Темирбулатовлул дакнихтуну



Ассалам-фото

барчаллагъ увкуна циняв ка кидархлуниннай, бувсуна цува марафондали хъинну рязийну ушиву.

Марафондали дартисса арцул ккал дурну, хъунни 3,8 миллион.

Аьлимтурал мажлис ва «Ассалам» кказитрал кьини Буйнакскалив

Хаджи РАМАЗАНОВ

Июль зурул ххунний Буйнакскалив хъунни Дагъусттаннал аьлимтурал ирглийсса мажлис. Мура кьини миккура киці лаглай бия «Ассалам» кказитрал кьинигу. Мажлисрал дия цамургу агъамшиву: му хас бувну бия шагьидну аьпалул хъусса аьлим Къурамуххаммад-хлажи Рамазановлул аьпалун. Къурамуххаммад-хлажи хъуннасса къулагъас дуллау уссия агъалинан исламрал гъанурду лахъхъин дуллалаврих, хаснува итхъяхъсса, гъира бусса оьрчру диндалул килшивуртту цаьк дуллал буваврих. Яла агъаммур ва жавабулушинна думур давринни мунал ккалли дайсса диркун дур СМИ-чинсса идеологиялул даву.

Мажлисрай гурттушинна дурна Кулецматусса щайх Аьли-апаннинал, Дагъусттаннал аьлимтурал Советрал председатель Арсланали-хлажи Хамзатовлул, муфтийнал кумагчи Мухаммадвакиль Султмухаммадовлул, С. Абубакаровлул Фондрал председатель Хасмухаммад-хлажи Абубакаровлул,



Ассалам-фото

Махлчкъалаллал Саид-апаннинал цанийсса мизитрал имам Сиражуттин-хлажи Маххаммадовлул ва м. ц.

Мажлисрай хъунни ихтилатру экстремизмаллийн ва вагъабизмаллийн къарщийну шурун аьркиншиврия, миннуя жагъилтуран зарал бушиврия, исламрал дин тлайлану дурчдин дуллалаврия.

«Ассаламрал» менеджер Мухаммад-хлажи Хирясулаевлул бувсунни кказитрал подпискалул даву ци тагъарданий дуссарив ва цукунсса къулагъас кказит машгур баврил цаний дуллау буссарив. Мажлис бачин бувну ия Шамхал поселокарал имам Ибрагъим-хлажи Хасанов.

«Ассалам» Каспийскалив


Аьбдулхамид ХИАЖИЕВ

Итни кьини, июль зурул 14-ний Каспийск шагьрулул хъунмайданни хъунни «Ассалам» кказитрал редакциялул хладур дурсса мероприятие.

Му дайдирхъуна маркчлан чак бувну мукъах «Нашидуль Ислам» группалул Къуръандалул аятру ккалаккаврийнуну. Му группалуцун гуртту хъуна цайми группардугу: «Дылым», «Ассалам», «Баракат».

Мавлидирттал лях-карах бавтцириннал хъхъичи ихтилатру бувна Каспийскалал имам Мухаммадаьли Хидирбековлул, Новый Поселокарал имам Магъди-хлажи Аьбидовлул, Дагъусттаннал муфтийнал хъиривчу Мухаммад-хлажи Давудовлул, Шамхал поселокарал имам Ибрагъим-хлажи Хасановлул.

Администрациялул цанияту мавлидрай бавтцириннахъ ссаламрайсса ихтилат бувна шагьрулул собраниялул председательнал хъи-



Ассалам-фото

ривчу Ибрагъим Абачараевлул. Мероприятие нани дурну ия муфтийнал кумагчи Мухаммадвакиль Султанмаххаммадов.

Миъражрал хъхъунин хасъсса мавлид

Миъражрал хъунин хасъсса мавлид хъунни июль зурул 29-ний Шавкүллул шяраву. Мавлидрай гуртту хъунни лагма-ялттусса шярваллавасса агълу, Лакрал ва Куллул райондалул имамтал.

Диндалул вакилтурал цала ихтилатирттаву, маслихатрал вяьзардаву бувсунни Миъражрал хъхъу Мухаммад Идавс ссавруннайн ливксса хъхъу духъукун, му хъхъунил, раджаб зурул 27 числорал хлурмат биклан аьркиншиву, му кьини дургъусса зума ряхцалва гъантлий дургъусса зумалун ккалли хъанахъишиву. Мизитирттал имамтурал киці лавгунни ражаб зурул агъамшиврия бусласисса хладисру, бувсунни диндалул агъалийнал рувханийсса оьрмулуву цукун агъамсса клану бугълагъиссарив. Мавлид дачин дурну ия Шавкратусса Давид Тумалаев, Дагъусттаннал исламрал университетрал студент.

Мавлидрай гуртту хъуминнал



хъинчулий ккарккунни шярваллил рувханийсса оьрму цубуккан баву мурадрай Исламрал университетрал практикант Мухаммад Хажиевлул дуллалисса даву. Мунаца бювхъунни мунийннин лавкъуну бивкисса мизитрал даву нирхиравун рутан.

Жул хъунмасса хъул-умуд бур ва мавлидрал баракат щалва Лакрал районналийн биянссар ва махъми шярваллалгу шавкүллула эбрат ласунссар тисса.

Жул корр.

ДАКІНИЙ БУССАРУ

Махлammaдpасул ОьМАРОВ

Жула заманнул шагьидтал

Сайидмухlаммад-хlажи Абубакаровлул ва Кьурамухlаммад-хlажи Рамазановлул аьпалун

Гашину август зуруй 10 шин хъанахъиссар Дагъусттаннал муфтий Сайидмухlаммад-хlажи Абубакаров пlякъ учин увну. Ларгсса шинал июль зурул ахирданий исламрал уммат язисса аьлимнацlа, динчи Кьурамухlаммад-хlажи Рамазановлуцlа хъуссия.

Кьурамухlаммад-хlажинал бивклулул хаварданул ца Дагъусттан бакъагу щалва Аьрасат гьулусан бувссия. Мизитраву вьязагу бувккуну шавай нанисса му цала кьатрачlан иян 100-150 метра ливчlсса кланттай, бомба хъхьичlва машиналул лув бивхъуну бухъунссия, пlякъ учин увссар. Мунащал архlал пlякъ учин увссар чlивима уссу Аьбдуллагу. Ххюра шинал лажиндарай уссил чlарату хlура кьавхъуссия Аьбдулла, мунал ка-кумаг буллай, уссил водителнугу зий. Ванихава лавхъхъусса иш хъуссия 21 август зурул 1998 шинал. Нюжмар чаклийн нани ххулий мизитрачlан гъанну пlякъ учин бувссия Сайидмухlаммад-хlажиналмур автомашинагу. Муфтийнащал архlал бивкlссар мунал чlавама уссу Ахlмад ва водителъ Хlайдарбек. Вана укунсса кьадар клинналагу...

Кьурамухlаммад-хlажи Сайидмухlаммад-хlажинал дакl тайласса дус-гьалмахчув-я. Гьаманки муфтийнал-я Кьурамухlаммад-хlажи Рувхlаний идаралавун канонический отделданул хъунаманал кьуллугърайн увцусса.

Дин пачахlлугърая лап ядурцсса ва чlярусса шиннардий диндалийн кьадагъа диркlсса чlумал шариаьтрак хlукмурду кьамул буллан бигъану кьабивкlссар, Кьурамухlаммад-хlажинал сий хъинну гъаз хъуссия, му Дагъусттаннал ца яла хъхьичlунма аьлимнан ккаллийну уссия. Канонический суаллал хlакъираву тlурчарив, миккугу му уссия муфтийнал хъунама советникну.

Щак бакъа, ми инсантурал жанну харж дурссар исламрал цlаний, цащава шайкун ми хlарачатрай буссия исламрал кlулшивуртту агъалинаву цlакъ дуллай.

Гьамин му даву духъунссия исламрал душмантурарун дахчилачимур. Миннан щинчlаввагу (исламрал душмантуран) кьаччирхха диндалул кlулшивуртту куртlсса, грамотнайсса инсантал. Грамотныйма, кlулшивуртту цlакъма хъяврину, аьйкьингу уван бигъа бакъархха.

Дагъусттаннал язими арсру, Кьурамухlаммад-хlажи ва Сайидмухlаммад-хlажи дакlнийн бутару жува Исламгу, Аллагу-Тааьлагу дакlнийну. Инсантураву яла ххуйми цумири куну цlуххайхту, ххуйми-мукунмири, миннайн ящайхту Аллагу дакlнийн агъайми, учайссар. Жувагу барашинна дуллай буру, халкьуннаву яла ххуйми-Кьурамухlаммад-хlажи ва Сайидмухlаммад-хlажи бивкlшиву.

Миннал бивклулул кьадар кlукунсса шавугу – Аллагу-Тааьлаланал биялалул ишри. Агъаммур ва кьиматраймур – миннал жула умматран кьариртмурди. Цалчин, аьлимтал хъусса цала учениктал, циняв бусурман агъулданун ххира хъусса, миннал чичрурду, хlакьинусса кьинигу жуцава вичидишин буюхлахъисса вьязарду, миннал хlарачатрайн бувну бувсса мизитру, жула дакlурдиву миннал цlакъ дурсса дусшиву, минная лавхъхъусса ссавер, толерантность ва чlярусса цаймигу хайр-мюнпатрансса затру. Гъаннайсса, миннал жунна кьариртссар хъинну кьиматрайсса затру.


Ацlра шин ларгунни дурусну муфтий пlякъ учин увну. Даххана хъунни дуниял, баххана хъунни инсанталгу, чlунгу. 1998 шинал та август зуруй жунма яла оьккимур, кьурчlимур, лялиян бан захlматмур иш хъусса ххива. Яла оьккими балардури ялугълай бивкlун бур жухва. Къаклула жунма таний Къизлярдайсса, Каспийскаливсса, Бущихъавсса, Буйнакскаливсса балардая...

Ца-цасса бала-мусиватсса ишру ялугълай бивкlун бур жухва! Цикссагу тахир бакъасса инсантурал оь

эки бивтlунни вай шиннардий, цикссагу ниттихъал кьурчlисса макъ руртlунни! Мукунсса баларду ялун бучантlшиву чlалай бияхха Сайидмухlаммад-хlажинан. Му ия дагъусттаннал агъалинан хас дакъасса идеологиялул заралдания буслай. Му ия дазул кьатlату жула бакlрачlан баларду буцлацисса гужру ила бичин буюхайшиврул нигъ рутлай жувунна. Му

шиннардий му уссия «Ассалам» кказитращалгу, цайми бусурман изданиярдащалгу уртакьну зий. Дунияллийн кьабувкссагу бур луттирду му авторсса.

На чlярусса шиннардий зий ивкlра мунащал, мунал луттирду оьрус мазрайн таржума буллай. Му хъинну ялув авцlуну, сайки гьарца ххуттал ялув



ия ссаву ци буссарив бувчlн буллай. Клlра шинал лажиндарай муфтийнал кьуллугърай зий мунал гъаз дурна чlярусса шиннардий иттала дагъну диркlсса духовенствалул сий, авторитет.

Рувхlанийсса давурттаха зузими зузиссар давриву дакl дирхъуну, дурсса даврия багъа тlалав кьабуллай, я кьуллугъру, я чинну кьадачlлай. Ми зузиссар исламрал цlаний.

Мукунминайри дулла дуниялгу дарцlусса. Аганаки инсантал, хlайранну гьалгъа тlий бухъурча цащала архlал зий бивкlманая, хlалал дурссар му инсанал цlардугу, зукьлу-дуьардугу, хlурматгу. Аганаки щалва жьамат хlайранну бухъурча инсанная, хlисавравун ласун аьркинни микку ляхъан бувсса цичlав бакъашиву, щаллу-ккурккисса жьамат рязи бубан, цlарду дуллали бубан бигъа бакъашиву.

Инсаннал буюхтlушиврул кьимат бищайсар мунал кьариртмунийну. Рувхlанийсса ирххазиналийну. Кьурамухlаммад-хlажинал дурсса даврия лахъину буслан буюханссар. Мунал итабавкьсса луттирдал цlарду кlицl лагаврийнура гъашиву дан буюханссар: «Кlуллив вин Ислам цирив?» ва «Кlуллив вин Ихlсан цирив?» Мукунма суаллу-жавабру дусса луттирду «Чак», «Зума дугъаву – Исламрал мукьилчинмур ттарцlри», «Хlаж – Исламрал ххуйлчинмур ттарцlри», «Бургъил арулла тlиму» (Мухlаммад Идавсил хасиятирттая), «Бусурман диндалул гъанурду». Ми луттирду бувкссар оьрус ва яруссаннал мазурдий. Цаппара луттирду таржума бувну бур Дагъусттаннал цайми мазурдийну. Чlярусса

авцlуну икlайва оригинал ва таржума цацlу ххал дигълагъиний. Цува цуксса мажал бакъа унугу, бигъалагай кьинирдай ва маркlачlанай зун икlайва цувагу. На муначlан лагайссияв кlюрххил ссят арулунний ва урчlуннил дачли хъуннин зий бикlайссияв. Му дардирай икlайва исламрал литература ялттурасса ва буккултран заралсса дур тlий.

Мунияту хlарачатрай ия буккултран хlакъмур чlалачли бан, ссаву ци буссарив бувчlн бан.

Сайидмухlаммад-хlажи ва Кьурамухlаммад-хlажи бия цlакъсса дултал. Ми уссурвал кунмасса дултал бувну бия Аллагу-Тааьланахсса ччаврил. Шиккува кlицl лаган, ми бия хъус-хъиншиврул буруккин кьабайсса, думуний гъашиву дайсса чиваркl. Миннал ихтилатру бикlайва хъунмурчlн Исламрая, ахиратрая, абадун абадлиймуния.

Сайидмухlаммад-хlажинал ва Кьурамухlаммад-хlажинал цlарду кlицl лаглагитари жува «рахlимагууллагу» куну ххибару. Жува барашинна дувару ми шагьидтурал буюхтlулсса цlардан лайкьшиву. Миннал оьрму-жунма, махъа наниминнансса эбратри, дарсри. Миннал жунма ккаккан бунни Исламрал цlаний цукун зун, захlмат бихълан аьркинссарив.

Ислам тlурчарив, аьлимтурал тlийкун, так хъхьичlуннайри хъанантlисса. Цуксса диндалул ва хlакъмунил душмантуран кьаччинугу.

Иншааллагъ, биянхъуви жуйнмагу Исламрал шагьидтурал шафааьт ва Мухlаммад Идавсил ттугълилу хъунабакьинхъуви жува Кьиямасса кьини миннащал.

ХlАМИС

Рамазан зуруй кlюрххилцlун чани хъуннин дуркусса дукра барачатссар. Дукра дулукияра чани хъуннин

БУСУРМАННАЛ КАЛЕНДАРЬ

1 « Къуръандалува ва хъхъунин хас бувну бур сура «Инна анзальнагу», «На гъан бав Къуръан Къувватрал ва Къадарданул Хъхъуну», увкуну бур Аллагнал суралува.

Мухаммадлухъ ﷺ: «Вин къакулссар Лайлатул-Къадрилул Хъхъу. Ца Къувватрал Хъхъу – Лайлатул Къадри хъинссар азарва барзнийр» Цан ларкъуну махъ къюрххицун дучаннин Лайлатул Къадрилул Хъхъунил гъарца минутрал багъа бишун къашайссар.

Лайлат тисса аъраб мазрай хъхъу тиссар, къадри тиссагу къадру-хурмат тисса, даража тисса махъри. Лайлатул къадри тиссагу къадру бусса, хурмат бусса, хъуннасса даража бусса хъхъу тисса калима хъанахъиссар.

Мухаммад Идавсил ﷺ цала аслабтурахъ бувсун бур, цахъва Жабраил малаикнал бувсусса хавар. Ца хъинну ас – ламус бусса жугьут Шамонь Гъазинал (Самсон) азарва зурул мутталиий жигъадрей талай ивкун ур, ца акъа цимиягу Зал уссар тлутиминнашал. Му хавар бавну, аслабтал пашман

Лайлатул къадрилул хъхъу дикъайссар паракъатсса, иминсса, гъелишиврул хлахъ бусса. Зурул яргсса чаннал чана лахъан дурсса кунна чаннасса. Му къини баргъгу буккайссар яргсса тинтту шив къадуллай.

хъуну бур, цацава муксса хлалай жигъад дан къахъунсархха, оърму биял къахъунсархха, тий. Микку Аллагу – Тааъланал ссайгъатну гъан дурну дур аслабтуран ва Иман дирхъусса Мухаммад Идавсил ﷺ щаллагу умматран ляличийсса Хъхъу – Къувватрал Хъхъу, Къадар клул байсса Хъхъу – Лайлатул Къадри. Му ца Хъхъуну Аллагнаха бувсса къуллугъ хъунмассар 83 шиная бувсса къуллутънияр.

Му хъхъуну чяруну дуклай хъинссар укунсса дуаъ: «Алла-гъумма, иннака аъфувун, каримун. Тухиббуль - аъфва, фавъ-фу аънни» (Я Аллагу, Ина ялтту учайма, дулайма. Вин ххирар ялтту учан. Ттул ялттугу учу»).

Лайлатул Къадрилул Хъхъуну малаиктал аърцарайн бучайссар инсантуран неъмат лавсун. Аллагнал амрулийну, Жабраил малаик лавсун учайсса ур гъарцаннасса къадар, мунашал бучайсса бур миксса малаиктал, аърцарайн бувтусса ххалаххи чара бакъа миннал бакрайн щунсса кунма. Му щалла хъхъуну малаиктал бикъайсса бур Аллагнахъ миннат буллай, Рамазан зуруй зума дургъуминнал, хъинмур буллай бивкминал бунагъирттал ялтту учу тий, миннал дуаъ къумул дува, тий.

Къюрх дуркуну, циняв малаиктал Жабраиллушал зана бикъайсса бур ссавруннайн. Къайннал цуххайсса бур Жабраиллухъ, къамул буврив

Къувватрал хъхъу – Лайлатул къадри

Аллагнал жул миннат, чявуссанал бунагъру багъишла буврив, куну.

Жабраил малаикнал жаваб дулайсса дур: «Аллагу Тааъланал багъишла бивтунни цинявпагу Иман дирхъумий, так мукъвайва журулул инсантал личаннин:

1. Хъан хлачлачими.
2. Нитти – буттаха ургил бакъами.
3. Мачча – гъаншиврул дахлаву чан дурми.



Идавсил ﷺ кулпат, буслай бикун бур ци тий ивкиссарив Мухаммад ﷺ:

«Лякъияра Лайлатул Къадри таксса гъантраву махъва махъсса ацъва гъантта ливчисса чумал - 21, 23, 25, 27, 29 Рамазан зурул». Амма, хъинссар таксса, чутсса къаувкуну ацъагу гъантлий эбадатрай бухъурча хлакъсса имандалушал, цимилин умудрай, Къанайн таваккул бувтун.

Ялагу ва Хъхъу — Къадарданул

Хъхъури. Ва Хъхъуну ялунчинсса Лайлатул Къадрилул Хъхъу дучаннинсса инсантул къадар чичайссар. Инсаннал багъубизулух бурувгун, Аллагу рязийну, къадаргума баххана байссар.

Лайлатул Къадрилул Хъхъунил хъуншиврул дазу-зума дакъассар – ва хъхъуну Мухаммадлул ﷺ умматрайн ливкссар мубараксса Къуръан. Къуръан гъан бувсар му хъхъуну лувра – лувсса ссавнин Лавхлул-Махлпузрая. Миччагу,

Лайлатул къадри ккавкманан цайминная къюлтI бувну хъинссар Лайлатул къадри ккавкшиву.

Лайлатул Къадрилул Хъхъуну ашкара шайссар тачлав къаккаккайсса, мукъурттийну дурчин дан къашайсса суратру. Ми дикан бюхъайссар:

1. Личисса чани, ссахачлав къалавхъхъусса, бургъи – зурул чаннаха къалавхъхъусса.

2. Аллагнал хъхъичI титти дакъайссар гъарца зат. Мурхъругума къус бикъайссар аърцарайн бияннин.

3. Бюхъайссар баян малаиктул члурду.

4. Бюхъайссар ккаккан малаиктал хъаттирдащалсса.

5. Къюрххицун баргъ буккайссар личийсса, бахханасса, клуклусса чани бусса.

Агарда Лайлатул Къадрилул Хъхъу гъан дарча Аллагнаха эбадат дуллай, личишиву дакъассар даража хъуншивруву, га Хъхъунил лишанну къаккаккаччагу.

Му хъхъуну хъинссар суннат чакру баву, буржирай ливчисса чакру баву. Аъша (а.с.) – бусурмантул Нину,

ХИРАМИС

Рамазан зуруй бунагъралун агъансса ца тлул дурманан килийнусса танмихI буссар, ххуйсса, хъинсса ца тлул дурманан тлурча – килийнусса бахшиш дуссар

РЕДАКТОРНАЛ КОЛОНКА

Рамазан барз

Мубараксса рамазан барз шинаял 12 зурдардиву цинявпа бусурман агъулданул яла къиматраймур барзри.

«Рамазан барз – инсантурансса насихлатру (тайласса ххуллу) ва тапаватшиву (хлакъмунил ва щялумунил) ккаккан буллайсса Къуръан ливксса барзри» (сура 2, аят 185).

Идавсил ﷺ хладисрайн бувну, Рамазан барз бувкункун алжаннул дарвазартту титтайсса бур, Дужжагъралсса – лакъайсса. Ми тайласса ххуллия бяйкъин буллай халкъуннахун бахкъачиланшиврул, щяйтлантругу ссинжитрай бахлайсса бур.

Цамур хладисраву увкуну бур: «Агарда инсантуран клуну диркиссания рамазан зурул циняр хъхъичуншивуртту, миннан чантиссия рамазан барз абадлийсса буну».

Ва зуруй хъхъичъва бунагъру буллай бивкми хлалал битан куннасса хлалу ххи шайссар, мунияту хъхъичлавсса бунагъру лиххан бувну ччарча, инсан буллан аъркинссар бюхъайсаксса хъинбалартту. Рамазан барз бучайхтува бунагъру шюшиншиврул ялтту учу тий Аллагу Тааъланайн дуаертту дуллалияра, хъинбалартту буллалияра, мизитирттаву жяматрашал чакру буллалияра, зула нитти-буттахъул, гъанмаччами, члахху-чарахми ххари буллалияра, цайми хлалал битира. Хларачат бувара мукунма циняв таравихI чакру буван, лях ливчми чакру хъирив лахъан, мукунма суннат – чакру буллан.

Ва зуруй Къуръан ккалай, исламрал клулшивуртту куртI дуллай хъинссар, цадакьартту буллай хъинссар. Цимурца хлараммуния махъаллил хъуну, ва зуруй бувсса хъинбалартту хъинбаларттуну зана бикъайшиву клуну зана-къулу хъанахъияра.

Циняв бусурманнасса ссайгъатри Аллагу Тааълаятусса рамазан зуруй зума дугъаву, зума дургъуминнан хъунмасса чир буссар, бахшишу дуссар.

Аллагу-Тааъланал буциннав циняв тайласса ххуллийн. Амин.



ИДАВСТУРАЛ ТАРИХ

1 « Мухаммад ﷺ. Муна хъуннигу Ххадижа кийла цар хъуну бивкиссар.

Мухаммадлун ﷺ 25 шин шайхту, Ххадижал миннатрайн буну му лавгссар Шамлив (Сириянавун) Ххадижал чарвандалуцал. Шамлия увкун мукъах Идавсил ﷺ му цанма царну бувцуссар.

Ххадижа хъанахъиссар Идавсил ﷺ цалчинмур царсса. Миннал эшкьиччавугу диркиссар Аллагу Тааъалана нигъ душаврил гъанулисса. Ххадижал Идавсил ﷺ хъаралу буссаксса цалагу къадурссар мунал хурмат бакъашиву ккаккан дан куннас тлул. Мунил Идавсин ﷺ бувссар кия арс, ми оърчнийва ливтлуссар ва мукъа душ. Идавсил ﷺ тухумрал нясав наниссар Мухаммадлун ва Ххадижал Патимат тисса душният, аъщуйн щуну учиннив, Хласан ва Хусайн тисса Патиматлун арсавраят.

Имам Ахлматлун бусаврийн буну, Идавсил ﷺ Аллагнал ца дургъуну хъва буну бур, Ххадижар ххуйсса царсса Аллагнал цанна къадуллушиву.

Идавсил ﷺ учайсса бивкун бур, Ххадижал цайнна вихшала дирхъуна цайми цаятува махъаллил хъуний, ганил цанна хъус-къини дуллуна цайминнал думуница увний, куну. Гайми хъаннил къабувсса оърчу Ххадижал бунна куну.

Цамур хладисраву увкуну бур: «Жабраил малаикнал увкуна: «Да Мухаммад! Вичан бувкунни дуки-хачиялул дурцусса тахникичлулущал Ххадижа, ина ттул цаниятугу, Аллагнал цаниятугу мунихъ ссалам буси ва аьлагужа, захиматшивурту дакъасса къатта Алжаннаву буллуна ххари бува му».

Ххадижа ряхцалий ххюра шинаву аьпалул хъуссар Маккалив Хижа байбишин, бучан шанна шинал хъхичи. Мунил бивкуну Мухаммадлун ﷺ хъинну къувтлуссар. Мугу, буттаусу Абу Талибгу ца шинал ливтлуссар, му шинайну къурчишивул шин ца дирзссар.

Савдат. Эфиопиянавун бивзминнавух бивкиссар цила ласнащал Савдат бинт Замаът. Эфиопиянава Маккалив нани ххуллий (му диркиссар бусурман ватандалийн занна хъуну нанисса чун) Савдатлун лас ивкиссар. Идавсилгу ﷺ цала оърчалсса булланшивул му цанма царну бувцуссар. Му диркиссар Ислам къамул дурну тий мачча-гъаннал чулухату Савдатлун нигъачлаву дусса чун.

Савдатлун буттачан Мухаммадлун ﷺ цанияту мугъисалт бучлайхту, ппу хъинну ххари хъуну увкуссар: «Му кивагу чулухаллин къулайсса ва уздансса хлукмур. Мухаммад ттун зунттаргу бюхтлуссар. Му Ислам цаьк дуллай ур ва мунайн «аль-Амин» (вихшалама) тий бур. Му мяърипат дусса ур ва къурайштурал агъулданиятуса ур».

Аьйшат. Мухаммад Идавсил ﷺ хъанниву Ххадижал хъирив яла Аллагначанганбумурва Исламраву лахъа-хъун бумур хъанахъиссар Аьйшат – цалчинсса, дак тлайласса халипанал Абу Бакрдул душ.

Аьйшатлун арулла шин шайхту Идавсил ﷺ муничан мугъисалт гъан бувссар. Мадиалив извун махъ був-

Мухаммад Идавсил оърмулиясса суаллу



цуссар урчура шинавусса Аьйшат. Лапва жагъилсса ташу баврил аькьилшиву мури – Аьйшатлун ччянира лархъхъуссар Идавсица исламрал элмугу, мяърипатгу. Му цуппагу аькьлу бусса, итххъвхсса, гъарзат хласав шайсса душ бивкиссар.

Хлафсат. Хлафсат хъанахъиссар Идавсил ﷺ гьалмахчувнал, килчинма дак тлайласса халипанал Умардул душ. Хлафсат Идавсил ﷺ гьалмахчувнан Ханис ибну Хузаватлун цар хъуну бивкиссар, мунащал 9 шинай яхъуссар. Ухудрачласса талатавриву цавурду дирну Ханис аьпалул хъуссар. Ласнаца хъусса Хлафсат дардхажалатрай бивкиссар.

Умардун царсса диркисса Оьсманнун (Идавсил ﷺ душ Рукъият бувцуну ивкиссар цувагу) булун ччан бивкиссар Хлафсат, амма мунал цува ччяни цар дуцин дакний аькьашиву бувчин бувссар. Мува миннат бувссар Умардул Абу Бакрдухъгу, муналгу я укун, я тукун куну жаваб къадуллуссар.

Мунал жуав къадаву бювххусса Умардул Идавсичан ﷺ лавгун бувсуссар Оьсманнул цахъра ссихи къадурккушиву, цува душ диндалул ххуттай цаькьну авцуманан булун ччай ушиву. Мунихун Идавсил ﷺ увкуссар: «Оьсманнул Хлафсатлуяр ххуймур буцинтиссар, Хлафсатгу Оьсманнуяр ххуйманан хъунтиссар». Цаппара чун ларгун мукъах Идавсил ﷺ Оьсманнун буллуссар Уммукульсум тисса цалва душ, цалагу царну бувцуссар Хлафсат.

Абу Бакрдун Идавсияту ﷺ бавну бивкиссар Му Хлафсат буцин ччай ушиву, мунияту Умардухъ ссихи къадурккуссар, Идавсил ﷺ мурадгу ашкара къабувссар, хлатта му ппурттуву Идавс ﷺ цала куяв хъанай унугу (Идавс ﷺ Абу Бакрдул душ Аьйшат бувцуну ивкиссар).

Идавсин ﷺ цар шайни Хлафсатлун диркиссар 23 шин. Абу Бакр аьпалул хъуну мукъах Къуръандалул канилчирурду ядурминаватусса цар Хлафсат, мунийхчин чявусса хладисру бивссар жучланма.

Зайнаб. Хузайматлун душ Зайнаб Идавсин ﷺ цар хъуну цаппара барзру лавгун мукъах оърмулул 30 шинаву аьпалул хъуссар. Му мискинминнан ка-кумаг байсса, цадакьа бачлайсса бивкиссар, мунияту Зайнаблун «мискин-гъаривнал нину» учайсса бивкиссар.

Умму Саламат. Му авадансса кулпатравасса душ бивкиссар, Аьбдуллагу тисса авадансса адаминан цар хъуну бивкиссар. Миннал кинналагу цубутлуьра къамул дурссар ислам.

Аьбдуллагу аьпалул хъуну махъ Идавсил ﷺ мугу цанма царну бувцуну, мунил оърчура цалами кунма ябувссар. Му Идавсищал хлаживугу лавгссар, мунащал гъазаватирттай, аьрххи-ххуллурдайгу хъуссар.

Идавс ﷺ дулла дуняллия лавгун мукъахгу Умму Саламат лахъину яхъуссар, му оърмулул 84 шинаву къуртал хъуссар. Мунийн Абу Умаятлун душ, Хинд учайсса бивкиссар.

Зайнаб, Джахшлул душ. Аьрабнал та члумал диркиссар арсшиврий ивхъуманал дурцуну диркисса царсса дуцин къадагъа дуллалисса аьдат. Му аьдат духлаган дан Аллагу Тааъланал амру бувссар Идавсийн ﷺ мунал арсшиврий ивхъусса Зайдлул бувцуну бивкисса Зайнаб буцин. Муния ххарисса Зайнаблун учайсса бивкун бур гайми душру-хъами Идавсил ﷺ бувцуссар миннул буттахъал, уссур-ваврал ва мачча-гъаннал мурадлайн буну, цуппамур Аллагу Тааъланал амрулийн буну бувцуссара куну.

Зайнаб, Джахшлул душ хлакьсса бусурман душ бивкиссар. Мискинминнайх цадакьа бачаваншивул му цуппа янна дурухуну зий маэшат буллай бивкиссар. Идавсил ﷺ цала хъаннихъ учайсса бивкун бур: Зуяту ттул хъирив дуняллия гъантиссар яла сахаватмур». Идавсил ﷺ хъирив дуняллия лавгссар мунал хъанниву яла сахаватмур – Зайнаб.

Джувайрият. Му бивкиссар Харислул душ. Бану Мусталакул

ХЛАМС

Талатаврил майданив къалханналул инсан уруччайсса куну, зума дугъаврил инсан мурахас айссар Дужжагърал цараща

агъулданулшалсса талатавриву ясирну багъссар. Му цуппа ясиршиврия мурахас ба, багъа буллу тий бувкиссар Идавсичан ﷺ Муналгу Джувайриятлухъ увкуссар, ина ттун цар хъун рязий хъурча, на булунна вихлу багъа (выкуп) куну. Джувайрият рязи хъуссар. Мухаммад Идавсил ﷺ му царну буцайхту, Мунал царнил агълу ясир баву хас къабизлай мигу итабавкъссар, миннал цинявннал ислам къамул дурссар.

Му бивкиссар бак-чурхал ххуйсса, дак-аьмал хъинсса хъамитайпа, аьпалул хъуссар 70 шинал оърмулуву.

Сафият. Сафият хъанахъиссар махъ нанисса иудейнал бакчи Хиля бин Ахттал душ. Мунил лас Хайбардучласса талатавриву ивкиссар, цувагу махъ нанисса ва авадансса иудей ивкиссар. Гъазаватрай Сафият бусурманнал ясир бувссар. Мугу рязи хъуссар Идавсин цар хъун ва, мунил ислам къамул дуркун, ташу бувссар.

Сафият мукун ккаккан ххуйсса бивкиссар, чявусса хъами занай бивкиссар мунихъ ябитан. Хлатта Аьйшатгума цуппа буквавчинсса куцуй яннагу ларххуну лавгссар мунил ххуйшиврухъ ябитан. Сафиятлун 17 шин диркиссар Идавсин ﷺ цар шайни. Мунил лажиндарай цавулия лирчисса аьш хласав шайхту, Идавсил ﷺ цувххуссар муния. Сафиятлул бувсуссар цанна мак ккаркшиву: цила хъазамрай – баргъ ливккун, никирттай – барз ливккун. Му мак бусайхту ласнал мунил лажиндаравух рирцуссар: «Ина Мадиаливсса аьрабнал хъунаман цар хъун ччай бурав?» куну.

Идавс ﷺ аьпалул хъуннин Сафият мунал чларав бивкиссар.

Умму Хлабибат. Умму Хлабибат (Рамлат) Абу Супьяннул душри. Мунил цалчинминнавух къамул дурссар Ислам. Исламрал цаний, ватангу къариртуну, ласнащал, Аьбдуллагу бин Джахлул Эфиопиянавун бивзссар. Ласнал ххачпараснал дин къамул дайхтугу, му хаин къавхъуссар исламрайн. Эфиопиянал бакчи бусурманчу ивкиссар (къюлтну ислам къамул дурсса) Мунал изму буллу Идавсил магъар бивхъуссар Умму Хлабибатлун. Гъамин исламрал цаний арх бувцуссар му буттая, къурайштурал бакчиная, махъаллил хъуссар ласная, ххачпарасная.

Идавс ﷺ Умму Хлабибатлулщал Мадиалив бизайхту, минначан шавай увкиссар Абу Супьян, къурайштурал зия дурсса икьрал цуница цаьк даву мурадрай.

Миннал ичлува Абу Супьян Идавсил ﷺ шану-клараллий щяиклан най унува, Умму Хлабибатлун ми шану-клараллу дартлуну, дуркьуссар. Буттал душнихъ цувххуссар: «Ттул душ, му ттул хурмат буллалисса тлуливкъай на къюкьин уллалисса тлулив?»

» 6

ШАРИАТ

Закатрал
ссахI

Закатрал ссахI (Зака-туль фитр) буржссар булун гьарца муъминчувнал ва муъмин хъамитайпалул, ца хъху ва кьини дукансса дукра дусса ва цулулуну сагъсса, баргъ лавгун махъ зума ритай хъху-ну. Мунинин оърчи барча, мунахлугу булайссар закатрал ссахI.

Му ссахI булун бучииссар Рамазан барз къуртал хъуну бакъанувагу, амма хъинссар булуну баргъ лавгун махъ, зумаритаврил байрам дуллалисса кьини. Махъун бутан къабучииссар (хIарам), ссахI бичайссар чIяруну аьркин дуллалисса дукиялпиту-къалмул ссахI.



Ца ссахI -2 кг 400г, ягу 2 кг 500г. СсахI булуннин дайссар ният:

«На ният дуллау ура паризасса ссахI бичин (шарссанихлу, оьрчIахлу, цахлува) зума ритай хъху-ну Хъунасса Заннайн, Аллагу акбар». Закат-ссахI булайссар:

- 1) мискинманан;
- 2) хъус дакъаманан;
- 3) закат бачIлачиманан;
- 4) ислам къамул дурманан, (хъхичIра цамур дин диркIун);
- 5) цала бияла цахъва бакъаманан;
- 6) буржру буманан;
- 7) ххуллулчунан.

Вайннан бакъасса, цайминнан закат къабудайссар. СсахI булун аьркинссар шамуннир чан бакъа. СсахIрал инсан марци айссар бунагьиртатягу.

ХIадисраву бур, дургъусса зума ласайсса дур ссавруннайн, амма ссахI къабуккарча, личайсса дур аьрщарал ва ссавнил дянив тий.

Закат-ссахI булун аьркинссар бусурманчувнал, дугьарчагу зума, къудугьарчагу. Закат-ссахI бичаву паризари.

Аллагу Тааьланал дулуннав каша Аллагнаха эбадат дуллансса.

Эдрал - чак (байрам-чак)

БАЙРАМ-ЧАК (эд-чак) байссар байрамрал Бкъини (Ураза-байрам, Къурбан-байрам) Байрам-чак суннатри. Амма буну хъинссар. Жула Идавсил (с.а.с.) тачIав къакъабитайсса бивкIун бур Байрам-чак, ва тIалав буллау икIайсса ивкIун ур цайминнаяту, бувара тий.

Му чак мизитраву бавугу – Идавсил суннатри. Мизитравун лавгун хъинссар лахъисса ххуллх, шаппай занна бивкIун кутIасса ххуллх дуаьрттугу дуллау. Шаппагу бан бучииссар.

Байрам-чаклил дайссар кIира ракат. Чак байсса чIун – чани хъанан диркIиния ахттайн бизаннин. Чак баву дайдишайссар ниятрая: «На ният дуллау ура кIира ракатрал суннат байрам-чак бан Ураза-байрам дучIаврин буну Хъунасса Заннайн, Аллагу акбар». Мизитраву буллау ухъурча чак, учайссар «жяма-тращал».

Ният дайхту учайссар, кару вичIачIан гъаз даврищал, «Аллагу акбар». КIулминнал

дуккайссар дуаь «Важжагъту» хъазамрал лув каругу дирхъуну «АльхIам» буккайсса кунна. «АльхIам» буккуну кару гъаз дурну вичIачIан ялагу учайссар «Аллагу акбар».

Яла цуница каругу хъазамрал лув дирхъуну дуккайссар: «СувхIаналлагъи вальхIамду лиллагъи вала илагъа Иллаллагъу ва Аллагу акбар».

Ва дуаь дурккуну махъгу гъаз дурну кару учайссар «Аллагу акбар». Ялагу хъхичIра кунна каругу дирхъуну дуккайссар тара дуаь. Мукун ряххила дуккайссар «СувхIаналлагъи...» ва ряххила учайссар «Аллагу акбар» Арулчин «Аллагу акбар» увкуну буккайссар

«АльхIам» «Аьзу...» тий байбихъун. Байссар цалчинмур сужда. КIилчинмур сужда къуртал хъуннин чак байссар муданмасса чак кунма. Бивзун кIилчинмур сужда-лия кIилчинмур ракат дан, учайссар «Аллагу акбар» кару дишайссар хъазамрал лув, кару гъаз дурну учайссар «Аллагу акбар». Кару цуница дишайссар хъазамрал лув – буккайссар хъхичIва кунма «СувхIаналлагъи...» Му буккуну махъ ххулчингу гъаз дурну кару учайссар «Аллагу акбар» каругу хъазамрал лув дирхъуну буккайссар «АльхIам» «Аьозу»-лия байбихъуну. Чак къуртал байссар муданмасса чак кунма.

КIирагу ракатраву «АльхIам» буккуну махъ буккайссар «Кьулгъува...» винна кIулсса дуаьртту. Чак къурталссар. Ца шинай кийла байсса чакри, захIатссагу бакъассар, даражагу хъунмассар. Буну хъинссар.

Гъан хъанай дур Ураза-байрам. Ва чак бувара! Амин.



Ассалам-фото

МухIаммад Идавсил ﷺ оьрмулиясса суаллу

5 « Ганилгу жаваб дуллуссар: «Ва Аллагнал Илчинал шану-кIараллур, ина тIурча-Аллагътал чIявуссар тIутимара, вин къабучииссар Идавсил сшаний щяи-кIан».

Яла, махъату, Абу Супьяннул Ислам къамул дурссар. Умму ХIабибатмур бивчуну буссар Мадиналив.

Маймунат. ЦIубутIуй ХIарислул душнийн, Маймунатлуйн Баррат учайсса бивкIссар. Идавсил сш дирзсса цар Маймунат. Му щачарну ливчIссар 26 шинаву ва Идавсияту сш мугъийну


чичIана инсан учIайхту, ххаришиврул варианттуягу ливккун ганил увкуссар: «Ва варианттулгу, варианттуймунил заллугу Аллагнал Илчире сш».

БивкIуссар Маймунат Идавсин сш щар хъусса кIанай ва миккува бивччунугу буссар.

РайхIанат, Шамьоннул душ. ЧIявусса аьлимтурал РайхIанатгу Идавсил сш щарсса диркIшиву кIици лаглан бикIай. Му бивкIссар чурхал бювхъусса, сахIибулхайр дусса хъамитайпа.

Идав сш аьпалул хъуну махъ сагъну диркIссар мунал 9 щарсса.

Цаппара аьлмтал бикIай Идавсил сш Хавлат, Амрат ва Умаймат тIисса цаймигу хъами диркIшиву исват буллау. Миннул цинявннул аьпа баннав!



ХIАМИС

Рамазан зуруй
бунагьралун
агъансса тIуллая
махъаллил
хъуманан
Бюхттулсса
Аллагнал хIалал
битайссар ацIния
цава зуруй
бувцири бунагьру

СУПИЙТУРАЛ ХАВАРДУ

ЗахIматри
нафсирай
каялушиву
дуван щаллусса
хIукуматрайнир

Багъдадрал Халиф
Гъарун ар-Рашид
цахаву зузи буван
пикрилий, супийтурай
каялушиву дуван хIара-
чат буллау ивкIун ур.



Амма миннал му сан къайсса ивкIун ур, мунал дуллусса хъусгу къамул къадайсса диркIун дур.

Фузайл бну Ияз тIисса машгъурсса супийная бавну, Харун ар-Рашид авчуну ур Маккалийн, та цачIана кIункIу уван. ХъхичIва чапхунчину ивкIсса, Фузайл ивкIун ур гужну сивусса инсан. Хъуна аькиннинва Фузаиллул увкуну бур халифнахъ:

– Я муъминтурал хъунама! Нигъ дур вил иминсса лажин дуржагьраву хъунсса.

Гъаруннул, цала аькьулийну супий паракъат уван пикрилий, цIувххуну бур:

– Виярва неъматирттайн бархI бувтсса инсангу кIуллив вин? – куну.

Фузаиллул жаваб дуллуну дур:

– Ина бархI бувтмур хъунмар. Ттуца ва панасса дуньяллуйн бакъа къавхIунни бархI бутан. Инари в та абадлийсса, неъматирттал бувчусса ахират хъама риртун ура.

Фузаиллул бивчIин буну бур халифнан, нафсрай каялушиврул багъа хъунмашиву, вай дуньяллий буцириннал ялу каялушивунир.

ОЪРЧАХЪ БУККИЯРА

Арцух акъаяв ххассал буллалисса

Ца къини Багдад-лив цу ларчуну, му царал къувтилуву ливчун ур ца адаминал кия арс.

Хайранну пиякъ бивкисса инсантурал хъхъичи царал къавтилия тлутайх бивчуса багъ хъусса ххан бивкун бур Нурин. Аллагъ Тааьланал цими бивхъуну мунал оърчру цуллуну-сагъну буккан бивну



Ассалам-фото

Царал лама хъинну гужса бивкун бур, цичлав кумаг бан къахъанахъисса инсанталгу аьтлий, гъуя-гъарайлий бивкун бур.

Му чумал царал къавтилулчан ивсса Нури тисса имам цараву оърчру ливчисса хавар шайхту, пикривагу къабунува ххавххун ур царавун оърчру ххассал буван, му цувагу дак цимисса инсан ивкун ур. Махлатталну-

бур цараву. Оърчал буттал ххаришиврул цайва цува акъа имам Нурил хъхъичи мусил бувцусса киса бивхъун бур.

Къаччан бивкисса Нурилгу оърчал буттахъ увкуну бур: «Агана на Аллагънал цаний бакъача арцул цаний ххавххсания царавун, ттуца вил арсру ххассал бан къахъунтиссия. На арцух акъаявхха ххассал буллалисса!»

ХАЛКЪУННАЛ ХИАКИНШИВУ

Зума дугъаву чурххан дарувссар

Зума дугъаврия инсаннал чурххан хъунмасса хайр-мюнпат бушиву исват бивну бур дунияллул аьлимтуралгу.

Цаларгсса хлакиннал, аьлимчу Роберт Бартлоул экспериментру бивну тасттикъ бувсар зума дугъаврил инсаннал организм марци дуккан дайдишиву, хлатта дахъра сукку хъусса дурухлурду-опухоллугума духлаган дайшиву. Му тий ур: «Зума дугъаврил буниялттунгу инсаннал организм азардая ва микробиртта мурахас дувайссар».

Билл Шарнбер тисса хлакингучилай ур: «шинай ца зуруйсса зума дугъаву – му оьрмулул цуллушиврул ва жагылшиврул гъану хъанхъиссар». Зума дугъагъисса хъаннил оьттуву пролактин тисса гормон лагъ шайсса бур (чъавуну пролактин сававнур хъами оърчан къахъанан биклайсагу).

Муният у аьлимтал-хлакитал бур зума дугъаврийну хъаннил оърчи бакъашиврул масъалагу щаллу бан кабакълакьиссар тий.

Одесса шагърулийсса мединститутрал аьлимтурал инсаннал организмалува заралса загъру буккан буллалисса экспериментру бивну исват бивну бур зат къаканакиминнал организмалува импортный препаратирттални-яр ацлий ххисшалану загъру буклай бушиву. Ккашил инсаннава аммиак буккан баву сайки азарийла хъун дурну дур. Ингилиснал аьлимчу Хаксмейл эксперимент бивну мьяжан бивну бур ккашил буллалими къюнукъи шатри лахъину яшайшиву.

ХИАМИС

Рамазан барз
бувкун,
Алжаннул дарваза
тлутайссар,
Дужжагърал
дарваза
лакъайссар,
щяйтланнуй къатла
бишайссар

Американал аьлимтурал мьяжан бивну бур сахарный диабет дусса инсантал зума дугъагъи барча, миннал оьттувусса сахар къаралданийн багълай бушиву.

Зума дугъаврил инсаннал иммунитет цаьк дайсса дур, лимфоцитру чъаву бивну ва цайми клеткардал тагъар къулай дурну.

Зума дугъайминнал ччаруллаву чартту шайсса ишгу чанну хъунабакъайсса бур, зума дургъутари оьттуву гъаз шайсса натрийлул, ччаруллаву чартту хъун байсса цу бяххин, бавциан бувайнутий.

Хайр бусса бур инсаннал психикалунгу. Москвавул Психиатриялул институтрал профессор, Ю. Николаевлул исват бивну бур зат къадукавил инсаннал психикалул тагъар къулай дайшиву, психикалул нукъсаншивуртту хъин дуллалани зума дугъаву хъинну дучи лякъайшиву. Зума дугъаврил мукума инсаннал оьттувусса холестерин чан бивну, къюкллил азардая мурахас байсса бур.

Чъавусса, жура-журасса экспериментру бивну германнал аьлимтуралгу исват бивну бур 3-4 ножмардий кюрххил гъанттайнин дукрагу къаканай, кукулусса давурттив дуллалисса инсантал цуллу-цакъсса биклайшиву, гъар шинах 3-4 ножмардий дукра къаканакаву – хъин баврил къяйда душиву. Гъаннайсса, 1400 шинай бусурман агъулдану дуллалимур хлакъину элмийсса тлуталдаран, цушиннардан ккалли дуллай бур. Субхланалагъ!

ИСЛАМ ВА ТАРИХ

Таржума Ттурциял Хласан-Хлусайннул

Салахлуддин Айюби – Байтул Мукъаддас тархъан бувма

Бюхттулсса, дунияллийх ца дурксса, Исламрал аьралуннал бакчи, ххачпарасная Байтул Мукъаддас тархъан бувсса, Салахлуддин Айюби увссар 1136-ку шинал Нажмудин Айюбил кулпатраву Такрит тисса цаьк къалалул комендантну зий ивкисса.

Нажмудин Айюби ивкиссар Халип Имамудин Занкил яла вихшала дусса къюкълуву вихшала дума. Ляличину, цинявнянар гъунарду, клулшиву, аькьлу ххиссагу уну, вихшалагу дуну тий, жагылсса оьрмулий Салахлуддин Айюби ивтссар министрну.

Салахлуддин Айюбил цайва цала бивхъуссар ххисшала бакъа захиматсагу, хъунмассагу бурж: бусурманнал аьрщив марци дан ххачпарасная.

Цалчинмур ххувшаву ларс-ссар Димяйте тисса шагърулий. Га ххувшаврищал, ганал чувшиврул, къанкъашиврул ца хъиннура бюхттул хъуссар, бусурмантурал дунияллий, халифатрайгу ганал къадру, къимат лахъ хъуссар.

1173-кусса шинал, Халип Нуруддин аьпалухъхъун лавгссар, га цувагу ивкиссар Имамудиннул арс. Халиф



Нуруддинул клану бувгъуссар Салахлуддин Айюбил.

1187-ку шинал ганачлан бувкиссар хавар Маккалив хлаж бан нанисса бусурмантурал ххачпарас ххавххсса. Ва гайнавасса цаппара ясир бувса. Му хавар цанма баяйхту Салахлуддин Айюбил тлайла бувкиссар аьраллу танмих бан ххачпараснан ва ххассал бан ясир бувми, хлаж бан Маккалив най бивкисса. Хитин тисса клантурдай, Табария тисса шагърулия арх бакъа хъуссар гужсса талатаву. Га талатав-

ривугу бусурманнал ларс-ссар ххисшала дакъа агъамсса ххувшаву, тархъан бувссар ясир бувмигу, ларс-ссар клунттихъхъун хъуннасса аьрцарал билаяту. Муния махъ Салахлуддин Айюби хладур хъанан ивкиссар Байтул Мукъаддас хассал буван ххачпараснаца. Чъавусса аьраллугу бавтун гъан хъуссар Байтул Мукъаддасрачлан, тлайла бувкиссар маслихатчитал шагърулуван ххачпараснай баян бан, дяьви къабунна, аьдадасса оь эки къабувтлуна шагъру булара учин. Ххачпараснал къа-

мул къабувссар Салахлуддин Айюбил тимур, маслихат бан гъан бувми бувкиссар махъунмай. Яла Салахлуддинул бачин бувссар аьрал шагърулуван. Ххачпараснал, бусурманал аьрал ккаккайхту баян бувссар, талатаву къадурна, маслихатрайн бувкун щаллу банну зу тимур куну. Ххачпарас, цалла думунищал, чанкъансса дишалагу ларсун, дяьвигу къабунна ита бавкьуссар.

Ва куцуй, оьттул клунт къабанна, Салахлуддин Айюбил тархъан бувссар Байтул Мукъаддас ххачпарасная.

Му ххувшаву ласайхту айивхъуссар ххачпараснал пивххив бивну, чарий чару къабивтсса мизитру, мадрасарду цуницакул цубуккан буллай. Бугу бувссар чъясса мутталий. Шагърулувусса инсантурал оьрму бавчуссар тлутайх бичлай, ялу-ялун ххуй хъанай.

Цаппара хлаллава, баргълагавал чулийсса ххачпараснал хлукуматирттал паччаиттуран бавссар ххачпарас бух бувшиву Салахлуддин Айюбил.

Яла, шама яла цадуркми хлукуматирттал паччаиттал:

– Палангнал – Филипп Килчинма,

– Германнал император – Фридрих Барбаросса,

– Ингилиснал – Ричард – Асландалул Даки, бувкиссар маслихатрайн, аьралгу цацлун бивну, бачин дяьвиллийн бусурманнал баргъ буккавал чулийн, халифат канийн ласун дакнийну.

Германнал императорнал Фридрих Барбароссал жамирду тиккунмагу къабивну, бювкуну лавгссар хъхъиривун.

Асландалул Даки-Ричард ва Филипп Килчинма бивссар бусурманнал баргъбуккавал чулийн цала аьралуннащал, миннал лавс-сар Ака тисса шагъру.

Му шагъру ласавривун ми клиягу паччаинал дянив хъуссар тлаандакъашивуртту, цаннан ца къабувчавуртту.

Мунийн бивну палангнал паччаки Филипп Килчинма зана хъуссар шавай, Европанавун.

Цувалу ливчисса Ричардлуца бювхъуссар Арсуф тисса шагъругу канийн ласун, яла тихунай ачинсса гуж муначла къаливчиссар.

Ричардлул пикри хъуссар бусурманнащал икьрал дан шанна шинайсса кливагу чулуха талатавуртту дацандан, Байтул Мукъаддасгу бусурманначла бивтун, ххачпараснахъхъунгу дулун ихтияр паломниктал шагърулуван битаван, цанма ххирасса клантурдай цала дин даваншиврул. ► 8

СУАЛУ ВА ЖАВАБРУ

Зул суаллахъхъун жавабру дуллаи бур жул аьлимтал

– Лайлатул къадрилул хъхъуну цукун бан аьркинссарив чак, бусияра.

– Му хъхъуну ссуннат-сса чаклил мукъра ракат дайссар. «аль-Фатиха» суралул хъирив гъарца ракат дуллалитари буккин аьркинссар «Алгъакуму...» ва шамийла сура «Аль-Ихлас». Му чак бувнал оьрмуллул махъва-махъмур лахъза бигъасса хъунтиссар, гъаттал аьзав-рая мурахас антиссар.

– Цукун гъан дурну хъинссар Лайлатул къадрилул хъхъу бусурманчувнан?

– Бусурманчувнан Рамазан зурул циняр хъхъурду Аллагъа кичи лаглай, Къуръан ккалай, дуарду дуллаи гъан дурну хъинссар. Рамазан зурувусса хъхъурдаву яла ххирамур хъхъу Лайлатул къадрилул хъхъу духъукун, му хъхъугу дуарду дуллаи гъан дурну хъинссар. Му хъхъуну ссаврунная цими ликкайссар, Аллагъа кичи лагламинахъхъун Жабраилул ссалам булайссар, чак буллали-миннахъхъун Аллагъанал ссалам булайссар. Му хъхъуну дуардахъхъун жаваб дулайссар.

– Дуаь лахъну ккалай хъинссарив ягу щур-щуйлий, лагъну?


– Шариатрайн бувну дуаь лагъну дурну хъинссар, бучиссар лахъну дуккингу. Дуаьлул къанкъасса, вай мукъурттину дакъа дуаь дан къабучиссар тисса кинтту бакъассар. Винма Аллагънахъ ци ча тун ччай урав, бучиссар винма дакниин багъсса мукъурттину ча тун,

дакниин лавхъхъусса, винна мяна къадурчайсса мукъурттину ча тийнияр.

Так буссар Идавсил дайссакун дуарду дан багълагъисса хъс-сса кинттурду. Мукунми дуарду дакниин лахъхъин ва миннул мяна лаласун хъарачат бикан аьркинссар.

– Цусса къатри дуллаи айишин къуллайсса кьини дуссар тун биклай, му тлайлассарив?

– Мухаммад Идавсикъ бигъалагай кьинилул хъакъираву цуххайту, мунал жаваб дуллуссар:



«Бигъалагай кьини – му мухъру бугъай кьинир, цусса къатри дуллаи айишай кьинир». Цусса къатрал гъану бизан бучиссар арвахъ кьинигу, му кьини дайдирихъусса даву дувзрайн дуккайссар учайнутий.

– Лас ивкуну махъ бучиссарив щарссаннин мунал уссин щархъун?

– Бучиссар. Исламрайн бувну, хъамитайпалун бучиссар агарда цила ссу бивчарча, мунил ласнангу щар хъун.

– Циняв исламрал заведениерттаву

дуклакиминнан закят булун бучиссар тлу-тлаву тлайлассарив?

– Агана исламрал килушвиуртту ласласисса аьрчру анжагъ дуккав-рихун багъсса, чувчав давурттай къазузисса бухъурча, бучиссар миннан закят булун.

– Ттун ттула гъалмах-чувнал – ххачпарас-нал ташу буллалисса кьини килисалувун уххан багъуна, му бунагъссарив?

– Килисарду ягу цайми диндалул, конфессия-лул агъулданул диндалул къатравун, хамирттаву

ну ушиврий Мухаммад Аллагъанал Гъан увма ва Кланал лагъ».

Ва барашиву гъанури Ислам къамул дурманал. Дакинтуну, щак бакъа къамул аву, ца акъа акъ-асса циняв инсантуран, ца Аллагъ. Икрам бан бучиссар так ца Кланайн. Икрам бан къабучиссар ляхъан дурмунийн (инсантурайн, къай-къуйлин, хъайвантрайн, суратир-тайн, мухъириайн ва м.ц.) Ислам къамул дурма вихссар циняв Идавстурайн, Аллагъанал гъан бувсса, хъхъичъа-хъхъичъисса инсанная Адамлуя (а.с.) айивхъуну махъва махъсса Идавсийн Мухаммадлуин биянин. Мукуна, вихссар Нухлуин, Ибрагимлуин, Исмаиллуин, Давудлуин, Муусайн, Ийсайн. Ва мукунма, цаймигу Аллагъанал Идавстурайн (цинявпагу Идавстал бивкиссар 124000, Аллагъа цаяту рязий хъуннав).

Гай цинявпагу Идав-турал диркиссар ца дин – икрам баву ца Аллагъанайн ва Кланайн мютишиву, ва къамул даву минначан гъан дурсса чичурду, луттирду. Щаллуну жучанма бивссар ца Мубараксса Къуръан.

Марцину, дакинтуну увкуну махъ барашиврул махъру (Шагъадат), инсанал Ислам къамул дуршиврин ккалссар. Цалла Ислам къамул даву къюлт къадайссар, цинявнан ашкара дайссар, ивкुकун бусурманнал аьдатрай учиншиврул.

Инсаннал Ислам къамул даву – му Аллагъанал дуллусса караматшивури, дуруччин аьркинсса, ядан аьркинсса. Чъавусса задру Исламраяту кил буллан аьркинссар устазнайхъин, мадраса-университетраву дуклай ва м.ц.

Бусурманчув клунку тий уссар цинявпагу инсантал Исламрайн бучаврин, Аллагъанайн икрам баврийн, Кланайн мютий шаврийн.

Хъхъичъара цамур дин диркун дунура, инсанал Ислам къамул дарча, Аллагъанал амрулийну га марци шайссар цинявпа бунагъирттая, дахъа дунийлин увккисса оьрч куна.

СалахИуддин Айюби – Байтул Мукъаддас тархъан бувма

7 «Шинягу къархъуна Ричардлул зия дурссар икьрал. Яла СалахИуддин Айюбил ххачпарасная марци дурну канийн ларсъссар аьрщарал дянивсса хъхъирил (Средиземное море) баргъбуккавал чулийс-са зумарду, хъхъичъа ххачпарасначла диркисса.

Вана ва куцуй, СалахИуддин Айюбил цалва цайва бивхъусса бурж щаллу бувссар бакуйн буккан бувну. Тархъан дурссар дуцири бусурманнал аьрщив ххачпарасначла.

СалахИуддин Айюби ивкиссар 40мур мартрай 1193-ку шинал, увчунугу уссар Димашкъив.

Цийшав ххи хъуссар жул буккулт

«Ассалам» кказитрал кьинирду Ащалва Дагъусттаннал районнай ва шагърурдай дуллалаву аьдатравун дагъунни.

Жула кказитрал гъарца номерданий жу бусару «Ассаламрал» кьинирду чув, цумур районналий, шагърулий хъуссарив ва ми цукун ларгссарив.

Иншааллагъ, «Ассаламрал» кьинирду дантисар лакралми шяраваллаву. Цалсса жу хъарачат буллаи буру жула кказитрал лагма лаган бан диндалул ххуллу бувгъуми лак. Мукунма, лакран диндалул иширттах, аьдат-эбадатирттах гъира бутан. Ва ишираву жул чларав бацанмигу чан бакъар. Вана Аьбдулхаликълул хъарачатрайну Цийшав чивчунни 10 кказит. Подписка дан ка-кумаг бувсса Аьбдулхаликълулхъ барчаллагъ тий, Цийшиял жяматрахъ-гу, махъми шяраваллау агъулданухъгу хъала бухъияра тий буру кказитрал давривух.

Чичлацияра жучан.



Рузнама

СЕНТЯБРЬ

дни	утрен.	восх.	обеден-ный	после-обед.	вечер-ный	ноч-ной
1	4.27	6.12	12.49	16.31	19.30	20.59
2	4.29	6.12	12.49	16.30	19.28	20.57
4	4.32	6.14	12.48	16.28	19.25	20.54
6	4.34	6.17	12.47	16.26	19.21	20.50
8	4.37	6.20	12.47	16.24	19.17	20.46
10	4.40	6.22	12.46	16.22	19.14	20.42
12	4.43	6.24	12.46	16.20	19.10	20.37
14	4.46	6.25	12.45	16.17	19.06	20.32
16	4.49	6.26	12.44	16.15	19.02	20.27
18	4.51	6.28	12.43	16.12	18.58	20.24
20	4.53	6.32	12.42	16.09	18.54	20.20
22	4.56	6.34	12.42	16.08	18.52	20.16
24	4.58	6.36	12.41	16.05	18.48	20.13
26	5.01	6.37	12.40	16.02	18.44	20.09
28	5.03	6.39	12.40	16.00	18.41	20.06
30	5.05	6.41	12.39	15.57	18.38	20.02

Зунттал районнай чак байссар 15 минутрал чалну.

БАЯН БАВУ

Тивтиссар цусса мадраса хасну лакрал оьрчансса, дарсругу дихълантиссар лакку мазрай. Буссар яхъанансса общежитие.

Къамул уллалиссар 40 оьрч. Гъантлун шамийла гъелисса дукра дуссар, спортзал, бассейн, сауна – цимурца къулайшиннарду дуссар.

Дарсру дайдилахъиссар сентябрь зурул канний. Цухху-бусу бан ччинал оьвчара вай номердай:



8-988-699-46-79
8-988-699-46-81

Учредитель

Благотворительный фонд «Путь». Газета печатается по согласованию и одобрению Духовного управления мусульман Дагестана

Редакционный совет

Председатель редакционного совета муфтий РД
Ахмад-хаджи АБДУЛАЕВ
заместитель муфтия РД
Махди-хаджи МУТАИЛОВ

Редактор

Самрат ГОРЧАНОВА

Канонический редактор
Сиражуддин КУРБАНОВ

Корреспонденты
Гумаюн КАЛЛАЕВА
Сафия БАКРИЕВА

Корректор
Патимат АХМАДХАНОВА

Менеджер
Мухаммад ХИРИЯСУЛАЕВ

Компьютерная группа

Асият ХАНОВА
Ахмед МАГОМЕДОВ
Гульнара АБДУЛАЕВА

Газета зарегистрирована Управлением Федеральной службы по надзору за соблюдением законодательства в сфере массовых коммуникаций и охране культурного наследия по ЮФО (г. Ростов-на-Дону)

Свидетельство о регистрации
ПИ № ФС 10-6401 от 15 декабря 2006 г.

Индекс 51390

При перепечатке ссылка обязательна. Набрано и сверстано на компьютерной базе газеты «Ассалам». Отпечатано в ООО «Дом печати» по адресу: пр-т Акушинского, 20

Заказ № _____

Сдано в печать 20 августа 2008 г.

Тираж 1800 экз.

Адрес редакции

367015, РД, г. Махачкала, пр-т М. Ярагского, 128.

Тел.: (8722) 61-00-64.

По вопросам подписки и доставки обращаться по телефонам: по Республике Дагестан – 8-988-699-28-24 по г. Махачкале – (8722) 914-222.

E-mail: info@assalam.ru;
www.assalam.ru